

ՀԻՄՆԱԿԱՆ
ԿԱՆՈՆԱԳԻՐ

ՀԱՅԿԱԿԱՆ ԲԱՐԵԳՈՐԾԱԿԱՆ
ԸՆԴՀ. ՄԻՈՒԹԵԱՆ

ՀԻՄՆՈՒԱԾ 1906 ԻՆ ԳԱՀԻՐԷ
ՎԵՐԱԿԱԶՄՈՒԱԾ 1924 ԻՆ ԼՈԶԱՆ
ՎԱՐՁԱԿԱՆ ԿԵԴՐՈՆԱՏԵՂԻ ԲԱՐԻՋ

1934

361
2.25

1 MAR 2010

361
Z-25

ՀԻՄՆԱԿԱՆ ԿԱՆՈՆԱԳԻՐ

ՀԱՅԿԱԿԱՆ ԲԱՐԵԳՈՐԾԱԿԱՆ ԸՆԴՀ. ՄԻՈՒԹԵԱՆ



ՀԻՄՆԱԿԱՆ ԿԱՆՈՆԱԳԻՐ

ՀԱՅԿԱԿԱՆ ԲԱՐԵԳՈՐԾԱԿԱՆ ԸՆԴՀ. ՄԻՈՒԹԵԱՆ

ՅՈՂՈՒԱԾ 1

ՆՊԱՏԱԿ ԸՆԿԵՐԱԿՅՈՒԹԵԱՆ

Զույգերիական Քաղաքային Օրենքին 60-79 Յօդուածներուն տրամադրութեանց համաձայն հիմնուած է Ընկերութիւն մը՝ Հայկական Բարեգործական Ընդհանուր Միութիւն անունով:

Այս Ընկերակցութիւնը, կազմուած ընկերակցաբար (corporate-ment), պիտի ունենայ իրաւական անձնաւորութիւն (personnalité juridique):

Անկա կազմուած է յաջորդելու համար «Հայկական Բարեգործական Ընդհանուր Միութիւն» անունը կրող Ընկերութեան, որ 15 Ապրիլ 1906ին հիմնուած էր Գահիրէի մէջ (Եգիպտոս), Պօղոս Նուպար փաշայի նախաձեռնութեամբ եւ անոր նախագահութեան տակ, եւ որ չէր կրցած իրր քաղաքային անձնաւորութիւն (personnalité civile) ձանձցուիլ եգիպտական օրենքներու ներկայ տրամադրութիւններով:

Այդ Ընկերութիւնը վերջնականապէս լուծուած է:

Հետեւաբար, ներկայ Ընկերակցութիւնը պիտի շարունակէ զործը այն Ընկերութեան սրուն տեղը կ'անցնի, իր վրայ պիտի առնէ անոր գոյքն ու պարտքը, միեւնոյն նպատակներով, այսինքն՝

Ա.՝ Օժանդակել հայ ժողովուրդին եւ իր հայրենիքին մտաւոր եւ բարոյական զարգացման:

Բ.՝ Օգնել անոնց միւրակաւ ու տնտեսական վիճակին բարելաւման:

Գ.՝ Քաջալիքել սոյն արդիւնքները յառաջ բերելու ծառայող ամէն ձեռնարկ ու հրատարակութիւն:

Ընկերակցութիւնը մարդասիրական հաստատութիւն մըն է. ո՛ր եւ է քաղաքական կամ առեւտրական հանգամանք չունի: Այս պայմանը հիմնական է:



63268-67

Ըստ ներկայ Հիմնական Կանոնադրին տրամադրութեանց, յա-
նուն Ընկերութեան կնքուած յանձնառութեանց եւ պարտքերու հա-
մար, Ընկերակցութեան անդամները ո եւ է պատասխանատուութիւն
չեն ստանձներ:

ՅՕԴՈՒԱԾ 2

ՀԻՄՆԱԴԻՐՆԵՐ, ԿԵԴՐՈՆ, ՏԱՐԵՇՐՋԱՆ

Այս Ընկերակցութեան հիմնադիր անդամներն են Կեդրոնական
Վարչական Ժողովին ներկայ անդամները եւ լուծեալ Ընկերութեան
վերապրող հիմնադիրները: Ասոնք են՝

Տ. ՊՕՂՈՍ ՆՈՒՊԱՐ ՓԱՇԱ,	Տ. ՊՕՂՈՍ ԷՍՄԵՐԵԱՆ,
Տ. ԳԱՔՐԻԷԼ ՆՈՐԱՏՈՒՆԿԵԱՆ,	Տ. ՄԻՔԱՅԷԼ ՊԱՊԱՋԱՆԵԱՆ,
Տ. ԵՐՈՒԱՆԴ ԱՂԱԹՕՆ ՊԵՅ,	Տ. ՏԻԳՐԱՆ ԿԱՄՍԱՐԱԿԱՆ,
Տ. ՏԻԳՐԱՆ ԽԱՆ ՔԷԼԷԿԵԱՆ,	Տ. ԱՐԱՄ ՃԵՎԱՀԻՐՃԵԱՆ,
Տ. ԳՐԻԳՈՐ ՍԻՆԱՊԵԱՆ,	Տ. ԼԵՒՈՆ ԿԻՒՄԻԻՇԿԵՐՏԱՆ,
Տ. ՍԵՐՈՎԱԷՍ ՍՎԱՃԵԱՆ,	Տ. Մ. ԱՆԴՐԱՆԻԿԵԱՆ,
Տ. ՏԻՐԱՆ ՓԻԼԻՊՊՈՍԵԱՆ,	Տ. ԱԹԱՔԵԼ ՊԵՅ ՆՈՒՊԱՐ,
Տ. ԶԱՐԵՀ ՆՈՒՊԱՐ,	Տ. Կ. ՇԷՐԻՏՃԵԱՆ ՊԵՅ:
Տ. ՎԱՀԱՆ ՄԱԼԷՋԵԱՆ,	

Տարեջրջանը կը սկսի ամէն տարուան Յունվար մէկին:

ՅՕԴՈՒԱԾ 3

Ընկերակցութեան Կեդրոնը Լօղան է. ուրիշ տեղ կրնայ փոխա-
դրուիլ Ընդհանուր Ժողովին որոշումով:

Ընկերակցութեան Կեդրոնը այժմ կը գտնուի Լօղան, Կրան Շէն
փողոց թիւ 8, Նոտար Հ. Ս. Պէրժիէի գրասենեակը:

ՅՕԴՈՒԱԾ 4

Ընկերակցութեան տեւողութիւնը անսահման է:

ՅՕԴՈՒԱԾ 5

ԱՆԴԱՄԱԿՅՈՒԹԱՆ ՊԱՅՄԱՆՆԵՐ

Ընկերակցութեան անդամ ըլլալու համար պէտք է Կեդրոնական
Վարչական Ժողովին կամ ստորեւ նախատեսուած Տեղական Մասնա-
Ժողովներէն մէկուն խնդրանք ներկայացնել, եւ կամ երկու անդամի
կողմէ ներկայացուիլ: Այդ Ժողովը՝ նիստին ներկայ գտնուած ան-

դամներու մեծամասնութեամբ՝ կը քուէարկէ ընդունելութիւնը, յե-
տագայ 14րդ եւ 25րդ յօդուածներուն տրամադրութեանց համաձայն:

Կարող է անդամակցիլ, առանց սեռի եւ դասանանքի խտրութեան,
ամէն Հայ որ յանձն կ'առնէ յարգել ներկայ Կանոնադիրը եւ Կանոնա-
ւորապէս հատուցանել իր անդամավճարը:

ՅՕԴՈՒԱԾ 6

ՄՈՒՏՔԻ ՏՈՒՐԲ ԵՒ ԱՆԴԱՄԱՎՃԱՐ

Միութեան ամէն անդամ իր ընդունելութեան Ժամանակ պարտա-
ւոր է վճարել մուտքի տուրք մը եւ ամսական անդամավճար մը, ո-
րոնց քանակը ինք ազատ է որոշելու: Սակայն ոչ մէկ ատեն մուտքի
տուրքը Զուլիցերիական երկու Փրանքէ եւ ամսական անդամավճարը
Զուլիցերիական մէկ Փրանքէ պակաս չեն կրնար ըլլալ: Զանազան եր-
կիրներ բնակող անդամներու համար սոյն գումարները պէտք է վե-
րածուին միեւնոյն արժէքը ներկայացնող տեղական դրամներու:

Անդամավճարները վճարելի են ամէն ամիս, եռամսեայ, վեցամ-
սեայ կամ տարեկան, իւրաքանչիւր անդամի փափաքին համաձայն:

Կեդր. Վարչ. Ժողովը կրնայ, բացառաբար եւ ըստ պարագայի,
անդամավճարներուն սակը իջեցնել կարգ մը վայրերու մէջ:

Այն անձերը, որ ընկալեալ սակէն պակաս անդամավճար կը հա-
տուցանեն, պիտի նկատուին Ընկերակցութեան օժանդակ անդամներ:
Այս անդամները ընտրող պիտի ըլլան, բայց ոչ ընտրելի:

ՅՕԴՈՒԱԾ 7

ԲԱՐԵՐԱՐ ԱՆԴԱՄՆԵՐ, ՊԱՏՈՒՈՅ ԱՆԴԱՄՆԵՐ

ԵՒ ՅԿԵԱՆՍ ԱՆԴԱՄՆԵՐ

Կեդր. Վարչ. Ժողովը կ'ընծայէ՝

Ա. Բարերար Անդամի տիտղոսը այն անձերուն՝ որ մէկ անդա-
մէն առնուազն 25000 Զուլիցերիական Փրանքի համարժէք նուիրա-
տուութիւն մը կ'ընեն Միութեան.

Բ. — Պատուոյ Անդամի տիտղոսը այն անձերուն՝ որ մէկ անդա-
մէն առնուազն 10000 Զուլիցերիական Փրանքի համարժէք նուիրա-
տուութիւն մը կ'ընեն.

Գ. — Յիշանա Անդամի տիտղոսը այն անձերուն որ մէկ անդա-
մէն առնուազն 5000 Զուլիցերիական Փրանքի համարժէք մուտքի

տուրք կը վճարեն կամ նուիրատուութիւն մը կ'ընեն:

Բաց աստի, Կեդր. Վարչ. Ժողովը կրնայ այդ տնտեսներէն մին կամ միւսը տալ այն անձերուն՝ որ բացառիկ ծառայութիւններ կը մատուցանեն Միութեան: Այս որոշումը օրինաւորապէս կրնայ տրուիլ՝ միայն, եթէ Կեդր. Վարչ. Ժողովը բաղկացնող անդամներուն առնուազն երեք քառորդին կողմէ ընդունուի:

Լուծեալ Հայկ. Բարեգ. Ընդհ. Միութեան Բարերար եւ Պատուոյ Անդամները իրաւամբ ներկայ Ընկերակցութեան Բարերար Անդամ եւ Պատուոյ Անդամ են:

ՅՐԴՈՒԱԾ 8

ՎՏԱՐՈՒՄ

Ուեէ անդամ, երբ անարժան վարմունք մը ունենայ, Ընկերակցութեան անդամներու ցանկէն կը ջնջուի, Կեդր. Վարչ. Ժողովին կողմէ՝ նիստին ներկայ գտնուող անդամներուն երկու երրորդին մեծամասնութեան քուէով, յետագայ 14րդ Յօդուածին մէջ կանխատեսուած պայմաններուն համաձայն:

Իր անդամավճարները կանոնաւորապէս չի հատուցանող ուեէ անդամ ինքնին կը զաղբի Ընկերակցութեան մաս կազմելէ:

ՅՐԴՈՒԱԾ 9

ՄԻՈՒԹԵԱՆ ՀԱՍՈՅԹՆԵՐԸ

ԿՏԱԿՆԵՐ ԵՒ ՆՈՒԻՐԱՏՈՒՈՒԹՅՈՒՆՆԵՐ

Ա. — Միութեան հասոյթները կը կազմեն՝

ա) մուտքի տուրքերը.

բ) անդամավճարները.

գ) կտակները եւ նուիրատուութիւնները.

դ) հանդանակութիւնները.

ե) ուրիշ ամէն հասոյթ որ վերոյիշեալներէն դուրս կը գտնուի:

Այս հասոյթները նախահաշիւին (պիւտճէ) մէջ առանձին գլուխներ կը կազմեն, իրենց յատկացման ընդհանուր, մասնաւոր կամ արտակարգ բնոյթին համաձայն:

Բ. — Ընկերակցութեան եղած նուիրատուութիւնները եւ կտակները երեք տեսակ են՝

ա) Այն նուիրատուութիւնները եւ կտակները զոր նուիրա-

տուներն ու կտակարարները ըրած են՝ առանց մասնաւոր պայմաններ դնելու զրամադրութիւն կամ եկամուտին դործածութեան մասին: Այս կարգի նուիրատուութիւններն ու կտակները ներկայ Հիմնական Կանոնադրին մէջ կը յորջորջուին «Նուիրատուութիւններ եւ կտակներ առանց մասնաւոր յատկացման»:

Կեդր. Վարչ. Ժողովը կրնայ անոնք բարդել, ամբողջովին կամ մասամբ, Հիմնական Դրամադրութիւն վրայ, առժամեայ կամ մնայուն հիմնադրամներ կազմել անոնցմով՝ ձեռնարկներու համար, եւ կամ մայր գումարը ամբողջովին կամ մասամբ գործածել իր յարմար դատած նպատակին:

բ) Այն նուիրատուութիւններն ու կտակները որոնց զրամադրութիւն կամ եկամուտին դործածութեան եղանակը որոշուած է նուիրատուներուն եւ կտակարարներուն կողմէ: Այս նուիրատուութիւնները եւ կտակները կը յորջորջուին «Նուիրատուութիւններ եւ կտակներ մասնաւոր յատկացման»:

Սոյն նուիրատուութիւնները եւ կտակները «Հիմնարկութիւն» կը յորջորջուին, երբ անոնց զրամադրութիւն անձեռնմխելի հանդամանք ունի՝ նուիրատուներուն եւ կտակարարներուն կամքին համաձայն:

Երբ ասոնց մայր-գումարն է որ միանգամ ընդ միշտ պէտք է գործածուի ձեռնարկի մը, անոնք կը յորջորջուին «Սպառելի նուիրատուութիւններ եւ կտակներ»:

Մասնաւոր յատկացումներով կտակներ եւ նուիրատուութիւններ ընող կտակարարներու եւ նուիրատուներու դրած պայմանները պէտք է որ խղճմտօրէն յարգուին: Եթէ, ժամանակի հոլովմամբ, Կեդր. Վարչ. Ժողովը տեսնէ որ նիւթապէս անկարելի է գործադրել դրուած պայմաններէն մէկը, պարտի, պատճառաբանեալ որոշումով մը, անիկա բարեփոխել, ըստ կարելոյն մօտենալով կտակարարին եւ նուիրատուին մտադրութեան:

գ) Այն նուիրատուութիւնները եւ կտակները որոնց համար նուիրատուները եւ կտակարարները ուեէ մասնաւոր յատկացում չեն որոշած, զրամադրութիւն եւ ոչ ալ եկամուտին համար, բայց որոնց համար, ի փոխարէն, պայման դրած են որ Ընկերակցութիւնը կարգ մը պարտաւորութիւններ ստանձնէ: Այս նուիրատուութիւնները եւ կտակները կը յորջորջուին «Պարտադիր նուիրատուութիւններ եւ կտակներ»:

Այս պարտադիր նուիրատուութեանց եւ կտակներու գրամագըլուխը մաս կը կազմէ սեփական զոյքին Ընկերակցութեան՝ որ ըստ իրարեւան է զործադրել իր յանձն առած պարտաւորութիւնները:

Գ.— Հասոյթները իրենց յատկացումներուն կը զործածուին ընդհանուր ծախքերը զեղջուելէ վերջ, Կեդր. Վարչ. Ժողովին կողմէ պարտաւորութեան նախահաշիւի սահմանին մէջ:

Վարչական Ժողովը յաջորդ տարեշրջանին կրնայ փոխանցել հասոյթներուն զուտ արդիւնքին մէկ մասը:

Ընկերակցութեան ընդհանուր ծախքերը պիտի հւգացուին հետեւեալ միջոցներով՝

ա) հիմնական Դրամագըլուխին եկամուտներուն այն մասը որ նախահաշիւով որոշուած է.

բ) մասնաւոր գրամագըլուխին եկամուտներէն գանձուած վարչական ծախսարաժիւնը, 10րդ յօդուածին 2րդ հատուածին տրամագըլութեանց համաձայն.

գ) նուիրատուներուն եւ կտակարարներուն կողմէ յատկացուած ծախքերու համար եղած նուիրատուութեանց եւ կտակներու գրամագըլուխն ու եկամուտը.

դ) բոլոր սպասուելի նուիրատուութեանց եւ կտակներու 5% ը.

ե) բոլոր հանգանակութեանց 5% ը.

զ) անգամաւճարներու 5/6ին 15% ը, կամ ուրիշ համեմատական սակ մը՝ որ կրնայ բացառարար որոշուիլ Կեդր. Վարչ. Ժողովին կողմէ:

30701ԱԾ 10

ԸՆԿԵՐԱԿՅՈՒԹԵԱՆ ԴՐԱՄԱԳՒԼՈՒԽՆԵՐԸ

ՊԱՀԵՍՏԻ ՀԻՄՆԱԴՐԱՄ

Ընկերակցութիւնը երեք տեսակ Դրամագըլուխ ունի՝ Հիմնական Դրամագըլուխ, Մասնաւոր Դրամագըլուխ եւ Սովորական Դրամագըլուխ:

Դրամագըլուխները կամ Պահեստները կազմող գումարներու վերածումը, Կեդր. Վարչ. Ժողովին որոշմամբ, պէտք է ըլլան հանրային եւ պետական արժեթուղթերու, պարտաթուղթերու եւ ուրիշ առաջնակարգ արժեթուղթերու, կամ, վերջապէս, հաստիքարեւ կալուածներու:

Այն գոյքերը եւ արժեթուղթերը, որ ստացուած են եւ վերեւ նա-

խառնուած դատակարգերուն չեն պատկանիր, կրնան նոյնութեամբ պահուիլ:

Ա. ՀԻՄՆԱԿԱՆ ԴՐԱՄԱԳՒԼՈՒԽ

Հիմնական Դրամագըլուխը կը բաղկանայ՝

ա) մուտքի տուրքերէ.

բ) այն նուիրատուութիւններէն եւ կտակներէն՝ որ նուիրատուներուն եւ կտակարարներուն բացորոշ կամքին համաձայն այս Դրամագըլուխին վրայ պէտք է որ բարդուին.

գ) առանց մասնաւոր յատկացումի եղած այն նուիրատուութիւնները եւ կտակները զոր Կեդր. Վարչ. Ժողովը կը բարդէ այս Դրամագըլուխին վրայ:

Կազմուած է Հիմնական դրամագըլուխի պահեստի հիմնադրամ մը, Հիմնական Դրամագըլուխը կազմող արժեթուղթերուն եւ անշարժ կալուածներու արժէքի նուագումէն առաջ զայլիք վնասը փոխարինելու համար:

Պահեստի Հիմնադրամը կը գոյանայ՝

ա) անգամաւճարներու 1/6ով.

բ) Հիմնական Դրամագըլուխի զուտ եկամուտին 10%ով:

Այս բարդումները պիտի գաղրին երբ Պահեստի Հիմնադրամը հաւասարի Հիմնական Դրամագըլուխին մէկ հինգերորդին արժէքին, ըստ պիտի վերսկսի ամէն անգամ որ սոյն արժէքը մէկ հինգերորդէն վար իջնէ:

Հիմնական Դրամագըլուխը անձեռնմխելի է: Այս պայմանը հիմնական է:

Բ. ՄԱՍՆԱԿՈՐ ԴՐԱՄԱԳՒԼՈՒԽ

Մասնաւոր Դրամագըլուխին մաս կը կազմեն՝

ա) մասնաւոր յատկացումներով նուիրատուութեանց եւ կտակարարներու գումարը կամ արժէքը՝ ծախքերը զեղջուելէ վերջ.

բ) մասնաւոր հիմնադրամները, առժամեայ կամ մշտական, զոր Կեդր. Վարչ. Ժողովը ստեղծած է՝ առանց մասնաւոր յատկացումի նուիրատուութեանց եւ կտակներու գումարներով:

Նուիրատուութեանց, կտակներու եւ հիմնադրամներու պատկանող արժեթուղթերուն եւ կալուածներուն արժէքին պատահական

անկումէն առաջ դալիք վնասը փոխարինելու համար, մէն մի կտակ, ինչպէս նաեւ Կեդր. Վարչ. Ժողովին ստեղծած մէն մի հիմնադրամը, պիտի ունենայ Պահեստ մը, որ պիտի կազմուի այլ Նուիրատուութեանց Կտակներուն եւ Հիմնադրամներուն զուտ եկամուտին 10% ուլ, եթէ նուիրատուները, կտակարարները կամ Կեդր. Վարչ. Ժողովը հակառակ պայման չեն դրած:

Եթէ նուիրատուներուն եւ կտակարարներուն կամ Կեդր. Վարչական Ժողովին կողմէ հակառակ պայման չէ դրուած, Հիմնարկութեանց եւ Կեդր. Վարչական Ժողովին ստեղծած Մասնաւոր Հիմնադրամներուն եկամուտներուն 10% լ վար պիտի դրուի վարչական ծախսարածին անուան տակ եւ պիտի յատկացուի Ընկերակցութեան ընդհանուր ծախքերուն:

Հիմնական Դրամադրութի Պահեստին համար նախատեսուած բարդումներուն դադարման կամ վերականգնման վերաբերեալ տրամադրութիւնները կը կիրարկուին նաեւ Մասնաւոր Դրամադրութի Պահեստին, եթէ նուիրատուները կամ կտակարարները կամ Կեդր. Վարչ. Ժողովը հակառակ պայման չեն դրած:

Դ. ՍՈՎՈՐԱԿԱՆ ԴՐԱՄԱԳՆՈՒՆ

Ընկերակցութեան Սովորական Դրամադրութի մաս կը կազմեն՝
ա) այն հիմնադրամները որ չեն մտնել Հիմնական Դրամադրութիին կամ Մասնաւոր Դրամադրութիին մէջ:

բ) առանց մասնաւոր յատկացման եղած այն Նուիրատուութիւններու եւ Կտակներու զուտարները զոր Կեդր. Վարչ. Ժողովը կ'որոշէ Սովորական Դրամադրութիին վրայ բարդել:

գ) պարտադիր Նուիրատուութիւնները եւ Կտակները:

Կեդր. Վարչ. Ժողովը կրնայ Սովորական Դրամադրութիին համար Պահեստի Հիմնադրամ մը ստեղծել ու անոր պայմանները ճշդորոշել:

ՅՕԴՈՒԱԾ 11

ՍՏՈՐԱԳՐՈՒԹԻՒՆ ՍՏՅԱԳԻՐՆԵՐՈՒ

Ա.— Միութեան Տնօրէնութեան Դիւանէն տրուած ունէ ստացադիր պէտք է որ կրէ երկու ստորագրութիւն, Գանձապահին եւ Վարիչ-Պատուիրակին, եւ, ի բացակայութեան, անոնց փոխանորդներուն ստորագրութիւնները:

Շրջանակային Յանձնաժողովներէն եւ Տեղական Մասնաժողովներէն տրուած ունէ ստացադիր պէտք է նոյնպէս կրէ կրկին ստորա-

գրութիւն, սոյն Յանձնաժողովներէն եւ Մասնաժողովներուն Ատենապետին եւ Գանձապահին կամ անոնց փոխանորդներուն ստորագրութիւնները:

ԹՂԹԱԿՅՈՒԹԻՒՆ ԵՒ ԶԱՆԱԶԱՆ ՀԱՂՈՐԴԱԳՐՈՒԹԻՒՆՆԵՐ

Բ.— Թղթակցութիւնները եւ հաղորդագրութիւնները պէտք է ուղղուին Տնօրէնութեան Դիւանին (տես Յօդուած 13), իսկ Շրջանակային Յանձնաժողովներու եւ Տեղական Մասնաժողովներու թղթակցութիւնները՝ անոնց Ատենապետներուն:

ԿԵԴՐՈՆԱԿԱՆ ՎԱՐՁԱԿԱՆ ԺՈՂՈՎ

ՅՕԴՈՒԱԾ 12

ԿԱԶՄՈՒԹԻՒՆ, ԸՆՏՐՈՒԹԻՒՆ, ՆՈՐՈԳՈՒՄ

ԿԵԴՐՈՆԱԿԱՆ ՎԱՐՁԱԿԱՆ ԺՈՂՈՎԻ

ԵՒ ՅԱՐԱԲԵՐՈՒԹԻՒՆՆԵՐ ԵՐՐՈՐԴ ԱՆՁԵՐՈՒ ՀԵՏ

Ա.— Կեդր. Վարչ. Ժողովը կը բաղկանայ առնուազն ինը եւ աս առաւելն տասնեւհինգ անդամներէ: Առաջին Կեդր. Ժողովը կազմուած է հետեւեալ կերպով.—

Տ. ՊՕՂՈՍ ՆՈՒՊԱՐ ՓԱՇԱ,	Տ. ՏԻՐԱՆ ՓԻԼԻՊՊՈՍԵԱՆ,
Տ. ԳԱՔՐԻԷԼ ՆՈՐԱՏՈՒՆԿԵԱՆ,	Տ. ՄԻՔԱՅԷԼ ՊԱՊԱԶԱՆԵԱՆ,
Տ. ԵՐՈՒԱՆԴ ԱՂԱԹՕՆ ՊԵՅ	Տ. ՏԻԳՐԱՆ ԿԱՄՍԱՐԱԿԱՆ,
Տ. ՏԻԳՐԱՆ ԽԱՆ ՔԷԼԷԿԵԱՆ,	Տ. ԱՐԱՄ ՃԷՎԱՀԻՐՃԵԱՆ,
Տ. ԳՐԻԳՈՐ ՍԻՆԱՊԵԱՆ,	Տ. ԼԵԻՈՆ ԿԻՄԻԽԵԿԵՐՏԱՆ,
Տ. ՍԵՐՈՎԲԷ ՍՎԱՃԵԱՆ,	Տ. ԶԱՐԵՀ ՊԵՅ ՆՈՒՊԱՐ:

Կեդր. Վարչ. Ժողովին անդամներուն պաշտօնը անվճար է:

Բաց աստի, Կեդր. Վարչ. Ժողովին մէջ, Ամբիկայի եւ Եգիպտոսի Շրջանակային Յանձնաժողովներուն իւրաքանչիւրը կ'ունենայ մնայուն աթոռ մը, զոր կրնայ գրաւել անձնապէս Յանձնաժողովին Ատենապետը, Փոխ-Ատենապետներէն մին կամ Գանձապահը:

Սոյն երկու Յանձնաժողովներու միւս անդամները իրաւունք ունին անձամբ ներկայ դնուելու Կեդր. Վարչ. Ժողովի նիստերուն, խորհրդակցական ձայնով:

Բ. — Կեղը. Վարչ. Ժողովի նորոգումը տեղի կ'ունենայ երեք տարին անգամ մը, մասնակի կերպով, յատենի Ընդհանուր Ժողովի, եւ այնպիսի եղանակով մը որ ամբողջական նորոգումը ինը տարուան մէջ լրանայ:

Անդամներու դադարման սոյն կարգը առաջին շրջանին համար վիճակաւ կ'որոշուի, եւ յետոյ հնութեան կարգաւ կը շարունակուի:

Դադարեալ անդամները վերընտրելի են միշտ:

Առնուազն 5 Զուլիցերիական Փրանք կամ համարժէք ամսավճար հատուցանող անդամները միայն կրնան Կեղրոնական Վարչական Ժողովին անդամակցել:

Գ. — Երբ Կեղը. Վարչ. Ժողովի անդամներուն թիւը 15 էն պահաւ է, Ժողովը կրնայ առժամայէս նոր անդամներ ընտրել, պայմանաւ որ որոշեալ թիւը չանցնի:

Ընդհանուր Ժողովը, սոյն ընտրութեանց յաջորդող առաջին գումարմանը մէջ, անոնք կը վաւերացնէ եւ կամ ուրիշներ կ'ընտրէ վերջնականապէս:

Դ. — Ուեէ պատճառով պակասած անդամի մը տեղ ընտրուող անդամ մը կը պաշտօնավարէ մինչեւ այն ատեն՝ ուր պիտի լրանար իր փոխանակելին պաշտօնը:

Այն պարագային երբ Ժողովին անդամներուն թիւը յօդուած 12ով նախատեսուած 15 թիւէն պակաս ըլլալով՝ նոր անդամի մը ընտրութիւն կատարուի, այս վերջնոյն պաշտօնավարութիւնը կը լրանայ ընթացիկ եռամեայ շրջանին վերջը:

Ատենագրութիւնները կը ստորագրուին նիստին ատենապետող անդամին եւ սոյն նիստին ներկայ գտնուող ուրիշ անդամի մը կողմէ:

Ատենագրութիւններէն ի հարկին տրուելիք ընդօրինակութիւնները կամ քաղուածները՝ Կեղը. Վարչ. Ժողովին Ատենապետին կամ փոխ-Ատենապետներէն մէկուն կողմէ պէտք է ստորագրուած ըլլան:

Ե. — Ընկերակցութիւնը երրորդներու հանդէպ ըստ օրինի պարտաւորուած եւ ներկայացուած կ'ըլլայ երբ միասին կը ստորագրեն հետեւեալ երեք անձերը — Ժողովին Ատենապետը կամ Փոխ-Ատենապետներէն մին, Գանձապահը եւ Վարիչ-Պատուիրակը:

Սակայն եւ այնպէս, սեւէ չէք, դրամական փոխանցումի կամ դանձումի կամ արժեթուղթերու վաճառման ու եւ է հրաման, պայմանաւ որ քառասուն հարար Զուլիցերիական Փրանքի գումար մը կամ արժէք մը չանցնի, կրնայ վաւերականօրէն ստորագրուիլ հաւաքաբար Գանձապահին եւ Վարիչ-Պատուիրակին կամ իրենց փոխանորդներուն կողմէ:

Ամէն յանձնառագիր եւ պայմանագրութիւն կրնայ նաեւ վաւերականօրէն ստորագրուիլ Կեղրոնական Վարչական Ժողովէն յատկապէս նշանակուած մէկ կամ աւելի պատուիրակներու կամ փոխանորդներու կողմէ: Այդ պարագային, Ժողովին ատենագրութեան վաւերացեալ պատճէնը պէտք է որ վերողրեալ յանձնառագիրներուն կամ պայմանագրութեանց կցուի կամ շահագրգռուող կողմերուն հաղորդուի:

30701ԱՍ 13

ԴԻԻԱՆԻ ԿԱԶՄՈՒԹԻՒՆ

Կեղը. Վարչ. Ժողովը երեք տարուան համար իր անդամներուն մէջէն կ'ընտրէ Ատենապետ մը, երեք Փոխ-Ատենապետներ եւ Գանձապահ մը:

Լուծեալ Հ. Բ. Ը. Միութեան Կեղրոնական Ժողովին Ատենապետը Ն. Վ. Պօղոս Նուպար Փաշա ներկայ Ընկերակցութեան Կեղը. Վարչ. Ժողովին ցկեանս Ատենապետը պիտի ըլլայ:

Ժողովը կը ստեղծէ եւ կը կազմակերպէ Միութեան վարչական եւ ելեւտական ճիւղերուն համար Տնօրէնութիւն մը — Տնօրէնութեան Դիւան — անոր գլուխը դնելով Վարիչ-Պատուիրակ մը՝ Կեղը. Վարչ. Ժողովին անդամներուն մէջէն կամ գուրտէն ընտրուած: Վարիչ-Պատուիրակը, ինչպէս եւ Տնօրէնութեան Դիւանի պաշտօնեաները վճարեալ են:

Վարիչ-Պատուիրակը կը վարէ նաեւ Միութեան Ընդհ. Բար-տուղարի պաշտօնը:

Կեղը. Վարչ. Ժողովը իր իրաւասութեանց մէկ մասը կը յանձնէ վարչական եւ ելեւտական ճիւղերու Տնօրէնութեան, սոյն Տնօրէնութեան Ներքին Կանոնադրին նախատեսած սահմաններուն մէջ:

30701ԱՍ 14

ԳՈՒՄԱՐՈՒՄՆԵՐ ԿԵԳՐՈՆԱԿԱՆ ՎԱՐՉԱԿԱՆ ԺՈՂՈՎԻ

ԵՒ ԽՈՐՀՐԳԱԿՑՈՒԹԻՒՆՆԵՐ

Ա. — Կեղը. Վարչ. Ժողովը կը գումարուի ամէն անգամ որ Միութեան շահերը կը պահանջեն: Գումարումները տեղի կ'ունենան Ատենապետին, կամ անոր բացակայութեանը՝ Փոխ-Ատենապետներէն մէկուն եւ կամ Վարիչ-Պատուիրակին հրաւերով:

Բ. — Ժողովը կը դումարուի երբ առ նուազն երեք անգամներ պահանջեն :

Բացակայ վարիչ անդամները կրնան իրենց ձայնը տալ Ժողովին մէկ ուրիշ անդամին :

Գ. — Որպէսզի որեւէ դումարման մէջ տրուած որոշումները օրինական համաբուլին, սլէտք է որ Ժողովին անդամներուն իսկական թիւին գոնէ կէսը ներկայ կամ ներկայացուած ըլլայ : Առնուազն երեք անգամներու անձամբ ներկայութիւնը անհրաժեշտ է . միւս անգամները կրնան ձայներնին իրենց պաշտօնակիցներուն տալ : Ոչ մէկ ատեն սակայն անգամ մը իր ձայնէն դատ մէկէ աւելի ձայնի իրաւունք կրնայ ունենալ :

Կեդրոնական Վարչական Ժողովի որոշումները ներկայ կամ ներկայացուած անդամներու ձայներուն մեծամասնութեամբ կը տրուին : Ձայներու հաւասար բաժանման պարագային Առնուազն ձայնը գերակշիռ է :

Ընտրութիւններու ատեն անհրաժեշտ է ունենալ Ժողովը կազմող անդամներուն երկու երրորդի մեծամասնութիւնը :

ՅՕԴՈՒԱԾ 15

ԿԵՂԻՆԱԿԻՆ ՎԱՐՉԱԿԱՆ ԺՈՂՈՎԻ ԻՐԱՄԱՍՈՒԹԻՒՆՆԵՐԸ

Ա. — Կեդր. Վարչ. Ժողովը Միութեան վարչութեան եւ դործաւորութեանց մասին ամենալայն իրաւասութիւն եւ հեղինակութիւն ունի :

Մասնաւորապէս ամէն իրաւասութիւն ունի՝

Կատարելու Ընկերակցութեան Յօդուած 1-ով սահմանուած նըպատակներուն իրագործման ծառայող ամէն դործ :

Օգնութիւն եւ պաշտպանութիւն ընծայելու ամէն Հայու, առանց դաւանանքի խտրութեան, հայազգի դիւղացիներուն նպաստելու, անոնց հայթայթելով սերմնացու, կենդանի, երկրագործական դործիք եւ մշակելի հողեր :

Սովէ, հրդեհէ կամ ուրիշ ունէ աղէտէ եւ համաճարակէ արկածաւ վայրերու բնակիչներուն օգնութեան հասնելու եւ ընդհանրապէս սատարելու Ժողովուրդին առողջապահական պայմաններուն բարելաւման :

Գիւղերու մէջ մշակութեան մասին այժմու դործնական դիտելիքները տարածելու, տեղական արհեստագործութեանց զարգացումին նպաստելու, երկրին պայմաններուն համապատասխան եղանա-

կով աշխատութեան եւ արդիւնաբերութեան նոր միջոցներ ստեղծելու :

Հիմնելու կամ նպաստով օժտելու վարժարաններ, մատենադարաններ, ընթերցատուններ, արհեստանոցներ, հիւանդանոցներ, դարմանատուններ, որբանոցներ եւ ուրիշ նմանօրինակ հաստատութիւններ :

Ընդունելու կամ մերժելու ո եւ է նուիրատուութիւն կամ կտակ :

Ո եւ է դումար դանձելու եւ վճարումներ կամ ծախքեր ընելու, շարժուն եւ անշարժ ո եւ է ստացուածքի տիրանալու, ո եւ է արժեթուղթ կամ աւանդ յանձնելու կամ վերստանալու :

Ընկերակցութեան շահուն կամ օգուտին համար ո եւ է շարժուն ու անշարժ կալուած ստանալու կամ ձեռքէ հանելու, ո եւ է փոխանորդադիր յանձնելու կամ ո եւ է փոխհրտակ (fidéicommiss) հաստատելու, իրենց պահելով վարչական բոլոր իրաւունքները՝ այդ կերպով մատակարարուած դոյքերը եւ ստացուածքները ետ առնելու կամ ուրիշներու փոխանցելու, ինչպէս նաեւ յիշեալ փոխանորդութեանց եւ փոխհրտակներուն վերջ տալու :

Ընկերակցութեան անձեռնմխելի հիմնադրամներուն եւ դրամագլուխներուն համար ո եւ է բեկանելի կամ անբեկանելի թրքաթ կադմէլու, պայմանաւ որ այդ հիմնադրամներուն եւ դրամագլուխներուն եկամուտները յանձանձուին եւ մատակարարուին Ընկերակցութեան կողմէ, Հիմնական Կանոնադրին եւ նուիրատուութեան պաշտօնադիրներուն տրամադրութեանց համաձայն :

Իրաւասութիւններու վերոյիշեալ թուումը բացատրիչ է եւ ոչ սահմանիչ . մէկ խօսքով՝ Կեդր. Վարչ. Ժողովը ունի բոլոր այն իրաւունքները որ յատկապէս Ընդհ. Ժողովին վերապահուած չեն :

Կեդր. Վարչ. Ժողովը կարող է իր իրաւասութեանց ամբողջութիւնը կամ անոնց մէկ մասը յանձնել իր անդամներէն երկուքէն կամ երեքէն բաղկացած մէկ կամ աւելի Յանձնախումբերու :

Բ. — Կեդր. Վարչ. Ժողովը առաջնակարգ դարմանատուններու մէջ պիտի պահէ Միութեան բոլոր արժեթուղթերը, ինչպէս նաեւ տրամագրելի դումարները :

Գ. — Կեդր. Վարչ. Ժողովը կը պատրաստէ Ընկերակցութեան տարեկան հաշուեկշիռը եւ Ընդհանուր Ժողովին կը մատուցանէ՝ իր պաշտօնավարութեան տեղեկագրին հետ :

Կեդր. Վարչ. Ժողովի ո եւ է անգամ կրնայ Շրջանակային Յանձնաժողովներու եւ Շրջանակային Համաժողովներու նիստերուն ներկայ դտնուել՝ առանց քուէի իրաւունքի :

ՇՐՋԱՆԱԿԱՅԻՆ ՎԱՐՁՈՒԹԻՒՆՆԵՐ

ՅՕԴՈՒԱԾ 16

ՇՐՋԱՆԱԿՆԵՐՈՒ ԿԱԶՄՈՒԹԻՒՆ

Այժմէն իսկ ստեղծուած են երկու շրջանակային բաժանումներ՝
1.- Ամերիկայի Միացեալ Նահանգներ, 2.- Եգիպտոս՝ որուն մաս կը կազմեն Սուբիա, Պաղեստին, Եթովպիա, Հնդկաստան եւ Յունաստան:

Կեդր. Վարչ. Ժողովը կրնայ փոփոխութեան ենթարկել ու եւ է շրջանակային բաժանումներու սահմանները, ինչպէս կրնայ ուրիշ շրջանակներ ստեղծել նաեւ այն ամէն տեղերը ուր անդամներուն եւ Տեղական Մասնաճիւղերուն թիւը օգտակար կ'ընծայէ այդ բանը, աշխարհագրական պայմաններն ալ նկատի առնելով:

Այս շրջանակները կազմուելէ վերջ չեն կրնար ջնջուիլ կամ անոնց սահմանները չեն կրնար փոխուիլ առանց Ընդհանուր Ժողովի որոշման:

ՅՕԴՈՒԱԾ 17

Իւրաքանչիւր Շրջանակ կը յանձնաձուլի Շրջանակային Յանձնաժողովի մը կողմէ, ինչպէս ստորեւ բացատրուած է:

Ամերիկայի Միացեալ-Նահանգներու առաջին Շրջանակային Յանձնաժողովը պիտի կազմուի Ամերիկայի Կեդր. Յանձնաժողովին արդի անդամներէն: Եգիպտոսի առաջին Շրջանակային Յանձնաժողովը պիտի կազմուի Գործադիր Ժողովի արդի անդամներէն:

Կեդր. Վարչ. Ժողովը իր ուղղակի վարչութեան տակ պիտի ունենայ Եւրոպայի Տեղական Մասնաճիւղերը, ինչպէս եւ ուրիշ երկիրներու մէջ գտնուող բոլոր այն Մասնաճիւղերը որոնց անդամներուն թիւը այժմ բաւական չէ այդ տեղերուն մէջ Շրջանակներ ըստեղծելու համար:

ՅՕԴՈՒԱԾ 18

Շրջանակային Յանձնաժողովները կը բաղկանան առնուադն 7 եւ առաւել 11 անդամներէ: Ամէն երկու տարին անգամ մը անոնք կը վերանորոգուին կիսովին: Իրենց անդամներուն մէջէն անոնք կ'ընտրեն Ատենապետ մը, մէկ կամ երկու փոխ-Ատենապետներ, Ատենապետի մը եւ Գանձապահ մը: Այս անուանումները պէտք է հաստատուին Կեդր. Վարչ. Ժողովին կողմէ:

Շրջանակային Յանձնաժողովները իրենց մօտ կը կեդրոնացնեն իրենց Շրջանակին Մասնաճիւղերուն բոլոր թղթակցութիւնները, ինչպէս եւ հաշուակալութեան եւ դանձապահութեան վերաբերեալ բոլոր գործառնութիւնները: Ուղղակի պատասխանատու են Կեդր. Վարչ. Ժողովին:

Անոնք պարտին ամէն տարի Կեդր. Վարչ. Ժողովին ներկայացրել մանրամասն տեղեկագիր մը՝ Միութեան իրենց շրջանակին մէջ ունեցած գործունէութեան մասին, անոր կցելով իրենց եւ իրենց Մասնաճիւղերուն հասոյթներու եւ ծախքերու վիճակացոյցները, ինչպէս նաեւ Համաժողովներու եւ Շրջանակային Յանձնաժողովին եւ Շրջանակին Մասնաճիւղերուն ընտրութեանց եւ անուանումներուն ցուցակները:

Շրջանակային Յանձնաժողովները պարտաւոր են առաւաւելի վից ամիսը անգամ մը Կեդր. Վարչ. Ժողովին եւ կամ ՉԻՊ-ՅՕԴ-ուած ի տրամադրութեան համաձայն անոր կողմէ կարգուած ելմբտական ներկայացուցիչին յանձնել բոլոր հասոյթները, պիւտճէով նախատեսուած ծախքերը ղեղչելէ վերջ:

ՅՕԴՈՒԱԾ 19

Ամէն տարի Շրջանակային Համաժողով մը կը դումարուի, նախորդ տարուան Համաժողովին կողմէ նշանակուած քաղաքի մը մէջ: Առաջին Համաժողովին դումարուելիք քաղաքը կը նշանակուի Կեդր. Վարչական Ժողովին կողմէ:

Շրջանակային Համաժողովը կը բաղկանայ շրջանին բոլոր Մասնաժողովներուն կողմէ ընտրուած պատուիրակներէ: Իւրաքանչիւր Մասնաժողով կ'ընտրէ այնքան պատուիրակ որքան անգամ 50 անգամ ունի իր Մասնաճիւղը, պայմանաւ որ պատուիրակներուն թիւը հինգը չանցնի:

Շրջանակային Համաժողովը կ'ընտրէ իր Ատենապետը եւ իր Դիւանը: Որոշումները կը տրուին ձայներու մեծամասնութեամբ: Զայներու բաժանման պարագային՝ Ատենապետին ձայնը գերակշիռ է: Ան կ'ընտրէ նաեւ Շրջանակային Յանձնաժողովին անդամները: Բացառաբար, Եգիպտոսի Շրջանակային Յանձնաժողովին անդամները կ'անուանուին, ինչպէս այժմ, Կեդր. Վարչ. Ժողովին կողմէ:

Կը լսէ Շրջանակային Յանձնաժողովին տեղեկագիրը, կը խորհրդակցի այն խնդիրներուն մասին որ Կեդր. Վարչ. Ժողովին կողմէ իրեն կը յանձնուին եւ անոր կենթարկէ այն ամէն առաջարկները



որ կը սատարեն Հ. Բ. Ը. Միութեան բարգաւաճման՝ իր շրջանակին մէջ:

Շրջանակային Համաժողովը իր շրջանակին համար պիտոճէի ծրագիր մը կը պատրաստէ եւ կը դրկէ Կեդր. Վարչ. Ժողովին՝ ընդհանուր պիտոճէի ծրագրին մէջ մտցնելու համար:

Նոր ստեղծուած շրջանակի մը առաջին Յանձնաժողովը կ'ընտրուի Կեդր. Վարչ. Ժողովի կողմէ:

ՅՈՂՈՒԱԾ 20

Շրջանակային Յանձնաժողովներու անդամները վերընտրելի են:

ՅՈՂՈՒԱԾ 21

Կեդր. Վարչ. Ժողովը կրնայ նշանակել Շրջանակային Յանձնաժողովներու մօտ երմտական պատուիրակ մը որ պաշտօն պիտի ունենայ տեղեակ պահելու ինքը Միութեան իր շրջանակին մէջ ունեցած դործունէութեան վերաբերեալ ամէն տեսակ երմտական խընդիրներու մասին եւ ստանալու Շրջանակային Յանձնաժողովներուն մօտ գտնուած դումարները՝ անոնք յանձնելու համար Միութեան կեդր. անտուկին:

Կեդր. Վարչ. Ժողովը կրնայ անուանել նաեւ մասնաւոր պատուիրակ մը որուն պաշտօնը պիտի ըլլայ աշխատակցիլ Շրջանակային Յանձնաժողովներուն հետ, Միութեան բրորակախտի դործին համար:

Այս երկու պատուիրակները իրաւունք չունին միջամտելու Շրջանակային Յանձնաժողովներուն վարչական խնդիրներուն:

Շրջանակային Յանձնաժողովի անդամի եւ երեւմտական պատուիրակի պաշտօններուն մէջ անհաշտութիւն չկայ:

ՅՈՂՈՒԱԾ 22

Շրջանակային Համաժողովը կը մշակէ ներքին կանոնադիր մը սահմանելու համար Շրջանակային Յանձնաժողովին եւ Մասնաժողովներու պաշտօնավարութեանց իրաւասութիւնները: Այս ներքին կանոնադիրը, որ պէտք է պարունակէ ներկայ կանոնադրին հակառակ ու եւ է տրամադրութիւն, դործադրութեան կը դրուի՝ Միութեան Կեդր. Վարչ. Ժողովին կողմէ վաւերացուելէ յետոյ:

ՏԵՂԱԿԱՆ ՄԱՍՆԱՃԻԻՂԵՐ

ՅՈՂՈՒԱԾ 23

ՄԱՍՆԱԺՈՂՈՎՆԵՐՈՒ ԿԱԶՄՈՒԹԻՒՆԸ ԵՒ ՇՐՋԱՆԱԿԸ

ԱՆԴԱՄՆԵՐՈՒՆ ԸՆՏՐՈՒԹԻՒՆԸ ԵՒ ՆՈՐՈԳՈՒՄԸ

Ա. — Մասնաճիւղեր կրնան կազմակերպուիլ Կեդր. Վարչ. Ժողովին կամ Շրջանակային Յանձնաժողովին որոշմամբ ամէն ուր որ Միութիւնը ունի գէթ տասը անդամ:

Կեդր. Վարչ. Ժողովը կ'որոշէ ու կը սահմանէ իւրաքանչիւր Մասնաճիւղի դործունէութեան շրջանակը: Ան ու եւ է ստեն կրնայ ընդարձակել կամ անձկացնել այլ շրջանակը:

Բ. — Տեղական Մասնաժողովները կ'ընտրուին այդ շրջանակին ամսական աւուուադն 2 Զուիցերիական Փրանքի համարժէք դումար մը վճարող անդամներէն բաղկացած ժողովէ մը: Այդ ժողովին մէջ իւրաքանչիւր անդամ այնչափ ձայն ունի որչափ Զուիցերիական 2 Փրանքի համարժէք դումար կը ներկայացնէ իր վճարած ամսարաժիւնը: Եթէ ներկայ անդամներու մէջ ձայներու բացարձակ մեծամասնութիւն չի գոյանայ, երկրորդ քուէարկութիւն մը կը կատարուի եւ այդ պարագային՝ համեմատական մեծամասնութիւնը բաւական կը նկատուի:

Տեղական Մասնաժողովներու ընտրութիւնը Կեդր. Վարչ. Ժողովին կամ Շրջանակային Յանձնաժողովին վաւերացմանը կ'ենթարկուի:

Այն պարագային որ, ու եւ իցէ պատճառաւ մը, վերեւ յիշատակուած ժողովը կարելի չըլլայ դումարել, Կեդր. Վարչ. Ժողովը կամ Շրջանակային Յանձնաժողովը կրնան ընտրել Մասնաժողով մը՝ որ պաշտօնի վրայ կը մնայ մինչեւ որ կանոնաւոր ընտրութիւններ կարելի ըլլայ կատարել:

Բացառաբար, Կեդր. Վարչ. Ժողովին եւ Եգիպտոսի Շրջանակային Յանձնաժողովին կեդրոններուն մէջ, Տեղական Մասնաժողովները կ'ընտրուին ամէն տարի Կեդր. Ժողովին եւ Յանձնաժողովին կողմէ, որոնց կուտան ուղղակի իրենց պաշտօնավարութեան համարը:

Կեդր. Վարչ. Ժողովը կրնայ սակայն որոշել որ այս Մասնաժողովները ընտրութեամբ անուանուին:

Տեղական Մասնաժողովներու անդամներուն պաշտօնը անվճար է:

68263-67

ՅՕԴՈՒԱԾ 24

ՄԱՍՆԱԺՈՂՈՎՆԵՐՈՒ ԴԻՒԱՆՆԵՐԸ

Իւրաքանչիւր Մասնաժողով իր անդամներուն մէջէն տաճն տարի կ'ընտրէ Ատենապետ մը, Ատենադպիր մը եւ Գանձապահ մը:

ՅՕԴՈՒԱԾ 25

ՄԱՍՆԱԺՈՂՈՎՆԵՐՈՒ ԽՈՐՀՐԴԱԿՑՈՒԹԻՒՆՆԵՐԸ

Կեդր. Վարչ. Ժողովին խորհրդակցութեանց համար 14րդ Յօդուածին մէջ հաստատուած կանոնները նմանապէս դործադրելի են Մասնաժողովներու խորհրդակցութեանց համար:

Մասնաժողովներու ատենադրութիւնները՝ նիստին ատենապետով անդամին եւ նոյն նիստին ներկայ դառնուող ուրիշ անդամի մը կողմէ կը ստորագրուին: Ատենադրութիւններէ հանուելիք ընդօրինակութիւնները կամ քաղուածները՝ Ժողովին Ատենապետին կողմէ պէտք է ստորագրուած ըլլան:

ՅՕԴՈՒԱԾ 26

ՄԱՍՆԱԺՈՂՈՎՆԵՐՈՒ ՊԱՇՏՈՆԸ

Մասնաժողովները, իրենց շրջանակին սահմաններուն մէջ, Միութեան նոր անդամ կը դառնան, կը ջանան անոնց թիւը աւելցնել, իրենց տրամադրուած ամէն միջոցներով անոր ծաւալմանը կ'աշխատին, կը դանձեն մուտքի տուրքերը, անդամավճարները եւ նուիրատուութեանց գոյացումին ջանադիր կ'ըլլան: Ամէն անգամ որ նոր անդամագրութիւններ եւ նուիրատուութիւններ կ'ըլլան՝ նորընտիր անդամներու եւ նուիրատուներու անունները եւ հասցէները պարտին ծանուցանել իրենց պատկանած Շրջանակային Յանձնաժողովին, որ անոնք կը հրատարակէ: Մուտքի տուրքերը, ամսավճարները, ինչպէս նաեւ Ձուիցերիական 1000 Փրանքէն նուազ եղող նուէրները կը գանձուին Մասնաժողովին Ատենապետին եւ Գանձապահին, իսկ անոնց բացակայութեանը՝ անոնց պաշտօնը առժամարար վարելու համար Մասնաժողովին կողմէ անուանուած երկու անդամներուն ստորագրութիւնը կրող ընկալադիրներու եւ անդորրադիրներու փոխարէն: Իսկ 1000 Ձուիցերիական Փրանքէ աւելի նուիրատուութիւնները պէտք է ուղղուին Կեդր. Վարչ. Ժողովին կամ Շրջանակային Յանձնաժողովներու Գանձապահներուն, նշանակելով աղբիւրը եւ յարակից մանրամասնութիւնները:

Մասնաժողովները, իրենց շրջանակին մէջ, կրնան իրենց հսկողութեան եւ պատասխանատուութեան տակ՝ կողմէ Օժանդակ Մասնաժողովներ, նաեւ մասնաւոր եւ առժամանակեայ Յանձնախումբեր, անոնց փոխանցելով իրենց յատուկ իրաւասութիւնները՝ մասամբ կամ ամբողջովին:

Կարող են առաջարկներ ներկայացնել Կեդր. Վարչ. Ժողովին կամ իրենց պատկանած Շրջանակային Յանձնաժողովին, եւ անոնց անդամները կրնան ներկայ դառնալ յիշեալ Ժողովներու նիստերուն՝ առանց սակայն քուէի իրաւունքի:

Մասնաժողովները պարտաւոր են կանոնաւոր տոմարակալութիւն մը ունենալ եւ գոյացած դրամները զրկել իրենց պատկանած Շրջանակային Յանձնաժողովին Գանձապահին:

Իրենց ընդհանուր ծախքերուն համար կրնան դործածել միայն անդամավճարներուն 5/6ին 15%ը. այս սակէն աւելի ամէն ծախք պէտք է նախապէս արտօնուի Կեդր. Վարչ. Ժողովին կողմէ, նախահաշիւի սահմաններուն մէջ:

Դ. — Իւրաքանչիւր վեցամսեայի վերջը, պարտաւոր են իրենց պատկանած Շրջանակային Յանձնաժողովին զրկել իրենց հաշիւները՝ անոնց կցելով իրենց շրջանակին վերաբերեալ խնդիրներու մասին տեղեկագիր մը:

Դ. — Պարտաւոր են ամենայն ճշգրտութեամբ համակերպել Կեդր. Վարչ. Ժողովին եւ պատկան Շրջ. Յանձնաժողովին որոշումներուն: Յիշեալ Ժողովները իրաւունք ունին Մասնաժողովներու անդամները հրաժարեցնելու՝ երբ անոնք պարտադանց դառնան, եւ անոնց տեղ առժամեայ յաջորդներ կարգելու, մինչեւ որ վերողբեալ 23րդ Յօդուածին մէջ նշանակուած եղանակաւ վերջնական ընտրութիւն կատարուի:

ԸՆԴՀԱՆՈՒՐ ԺՈՂՈՎ

ՅՕԴՈՒԱԾ 27

Ա. — Ընդհանուր Ժողովը Միութեան անդամներուն ընդհանուրութիւնը կը ներկայացնէ եւ անոր բոլոր գործառնութեանց վերին հիւսիսակութիւնը ունի: Իր որոշումները պարտաւորիչ են ամէնուն, նոյն իսկ բացականերուն եւ տարակարծիքներուն համար:

Բ. — Ընդհանուր Ժողովին մասնակցելու իրաւունք ունին անոնք

միայն, որ տունուսդն մէկ տարիէ ի վեր Միւլթեան անդամակցած եւ ամսական նուազագոյն 5 Զուլցերիական Փրանքի համարժէք անդամավճար հատուցած են կանոնաւորապէս:

Իւրաքանչիւր անդամ իրաւունք ունի այնչափ ձայնի որչափ անդամ իր ամսավճարը կը պարունակէ Զուլցերիական 5 Փրանքի համարժէք գումարը:

Ի պաշտօնէ Ընդհանուր Ժողովին կը մասնակցին Տեղ. Մասնա-Ժողովներու անդամները, ինչպէս նաեւ Բարերար եւ Պատուոյ Անդամները՝ որոնց մասին խօսուած է 7րդ Յօդուածին մէջ: Բացի այն ձայներէն զոր կրնան ունենալ իրրեւ բաժնեւճար անդամ, Բարերար Անդամներէն իւրաքանչիւրը 10 ձայնի, իսկ Պատուոյ Անդամներէն իւրաքանչիւրը 4 ձայնի իրաւունք ունի:

Ընդհանուր Ժողովին մասնակցելու իրաւունք ունեցող սրեւէ անդամ կրնայ իր տեղը ներկայացուցիչ կարգել այդ իրաւունքը ունեցող ուրիշ ուսէ անդամ մը:

Ներկայացուցիչը իր ձայներէն զատ կ'ունենայ իր փոխանորդ-եալին ձայներն ալ:

Սակայն անդամ մը, ոչ մէկ պարագայի մէջ, իր ունեցած ձայներն ալ մէջը ըլլալով, 20 ձայնէ աւելի չի կրնար ունենալ:

Փոխանորդագիրներու ստորագրութիւնը պարտի վաւերացուած ըլլալ կամ օրինական ձեւակերպութեամբ, կամ Կեդր. Վարչ. Ժողովին կամ Շրջանակային Յանձնաժողովներուն եւ կամ Տեղական Մասնաժողովներուն Ատենապետին կամ Փոխ-Ատենապետներէն մէկուն կողմէ:

Գ.— Ընդհանուր Ժողովը կը գումարուի Լօղան կամ այլուր, ըստ Կեդր. Վարչ. Ժողովին որոշման, օրակարգի խնդիրներուն ամփոփումը պարունակող հրաւիրագրով մը, որ կը հրատարակուի գումարման համար որոշուած օրէն երեք ամիս առաջ, իսկ ստիպողական պարագայի մէջ՝ առնուադն երեսուն օր առաջ:

Դ.— Անոր կը նախագահէ Կեդր. Վարչ. Ժողովին Ատենապետը, իսկ ասոր բացակայութեան՝ Փոխ-Ատենապետներէն մին կամ Ատենապետի պաշտօնը կատարող վարիչ անդամը:

Ատենապետը կ'անուանէ Ատենադպիրը:

Քուէախոյզ կը նշանակուին ամէնէն աւելի ձայն ունեցող եւ այդ պաշտօնը յանձն առնող երկու անդամներ:

Ե.— Կեդր. Վարչ. Ժողովին կողմէն պատրաստուած օրակար-

գին մէջ նշանակուած խնդիրներէն զատ՝ ուրիշ նիւթերու վրայ կարելի չէ խորհրդակցել:

Ընդհանուր Ժողովին ատենագրութիւնները կը ստորագրուին գիւանի անդամներէն: Ատենագրութիւններէն հանել պէտք եղած ընդօրինակութիւնները կամ քաղուածները՝ Կեդր. Վարչ. Ժողովի Ատենապետին եւ կամ Փոխ-Ատենապետներէն մէկուն կողմէ պէտք է ստորագրուին:

Զ.— Ընդհանուր Ժողովը կը գումարուի ամէն տարի Կեդր. Վարչական Ժողովին որոշած թուականին:

Լսելու համար Կեդր. Վարչ. Ժողովին տեղեկագիրը Ընկերակցութեան կացութեան մասին, եւ ընդունելու համար բոլորուած տարւելքնային հաշիւները, որ նախապէս՝ Ժողովին գումարումէն 15 օր առաջ՝ անդամներու տրամագրութեան տակ գրուած ըլլալու են Միւլթեան Կեդրոնին մէջ:

Ներկայացուած հաշիւները վաւերացնելու կամ ուղղելու համար:

Երբ հարկ ըլլայ՝ վարիչներուն ընտրութիւնները կատարելու համար,

Անուանելու համար Հաշուեքնիւ մը եւ Փոխ-Հաշուեքնիւ մը, յաջորդ Ընդհ. Ժողովին համար տեղեկագիր մը պատրաստելու պաշտօնով, Կեդր. Վարչական Ժողովին կողմէ ներկայացուած հաշուեկշիւին եւ հաշիւներուն ճշդութեան եւ հաշուեգրութեանց ու փաստաթուղթերու հետ համաձայնութեան մասին:

Եւ տնօրինութիւններ ընելու համար այն ամէն խնդիրներու մասին՝ որ հրաւիրագրին մէջ նշանակուած օրակարգին մաս կը կադմեն:

Զ.— Վերադրեալ խնդիրներէն զատ, Ընդհանուր Ժողովին անկէ Կանոնադրին վրայ ըլլալիք փոփոխութիւններուն, յաւելումներուն կամ յապաւումներուն մասին ո եւ է որոշում տալ, մասնաւորաբար՝

ա) Ընկերակցութեան նպատակը կազմող առարկաներէն մէկուն ընդարձակումը, սեղմումը, բարեփոխումը կամ ձեւափոխումը, առանց սակայն ուսէ պարագայի մէջ փոփոխելու կամ խաթարելու իր ընդհանուր նպատակը եւ իր հիմնական պայմանները (Յօդուած 1 եւ 10):

բ) Ընկերակցութեան անուան ձեւափոխումը կամ այլափոխումը, պայմանաւ որ այդ փոփոխութիւնը՝ ընդհանուր ներպատակին կամ հիմնական հանգամանքին ուսէ այլայլուած կամ վնաս չի պատճառէ եւ ենթադրել իսկ չի տայ:

դ) Ընկերակցութեան ոեւէ եղանակաւ ձուլումը՝ համաման կամ նոյնատեսակ ուրիշ ընկերակցութեան մը հետ, եւ կամ վերջապէս Ընկերակցութեան կազմալուծումը:

Վերոգրեալ պարագաներուն թուումը լոկ բացատրիչ է եւ ոչ թէ սահմանափակող:

Ը. — Վերեւ ա. բ. գ. հաստատումներով թուարկուած պարագաներուն մէջ, Ժողովին խորհրդակցութիւնները այն ատեն միայն օրինական կ'ըլլան երբ ներկայ եւ ներկայացուած անդամները՝ Ընդհանուր Ժողովին ներկայ գտնուելու իրաւունք ունեցող անդամներուն առնուադն կէսը կը կազմեն, եւ որոշումը օրինական ըլլալու համար՝ պէտք է ընդունուի մեծամասնութենէ մը, որ ներկայ եւ ներկայացուած անդամներուն դէթ երեք քառորդը ներկայացնէ: Այսուհանդերձ, եթէ նիստին մէջ Ընդհանուր Ժողովին ներկայ գլխաւորելու իրաւունք ունեցող անդամներուն կէսը ներկայ կամ ներկայացուած չէ, Ժողովը կրնայ վերոյիշեալ մեծամասնութեամբ առժամանակեայ որոշում մը տալ: Այդ պարագային, նոր Ընդհանուր Ժողով մը կը գումարուի՝ երկու շաբթուան նուազագոյն ժամանակամիջոցի մը մէջ, ընդունուած առժամեայ որոշումը պարունակող նոր հրաւիրադրով մը. այդ որոշումը վերջնական կ'ըլլայ՝ եթէ նորոգ գումարման մէջ ներկայ եւ ներկայացուած անդամներուն ձայներուն երեք քառորդին կողմէ ընդունուի, բաւական է որ Ժողովին ներկայ գտնուելու իրաւունք ունեցող անդամներուն գոնէ մէկ քառորդը այդ նիստին ներկայ կամ ներկայացուած ըլլայ:

Ուրիշ ոեւէ պարագայի մէջ, Ընդհ. Ժողովը՝ թէ՛ տարեկան եւ թէ՛ արտակարգ նիստ գումարելուն՝ վաւերական կերպով խորհրդակցած կ'ըլլայ, եթէ ներկայ եւ ներկայացուած անդամներուն թիւը գոնէ մէկ հինգերորդը ըլլայ Ընդհանուր Ժողովին ներկայ գլխաւորելու իրաւունք ունեցող անդամներուն թիւին. իսկ որոշումները կը արուին ձայներու մեծամասնութեամբ: Եթէ այդ օրինական թիւը չի գոյանայ, երկրորդ նիստ մը կը գումարուի եւ վաւերական կերպով կը խորհրդակցի՝ ինչ որ ալ ըլլայ ներկայ անդամներուն թիւը:

Ընտրութեանց պարագաներուն մէջ, եթէ բացարձակ մեծամասնութիւն չի կայանայ, երկրորդ քուէարկութիւն մը կը կատարուի եւ այն ատեն համեմատական մեծամասնութիւնը բաւարար կը նշկատուի:

Թ. — Կեդր. Վարչ. Ժողովը պարտաւոր է տարեկան գումարման

օրակարգը անցընել այն առաջարկութիւնները, որ այս նպատակով իրեն ներկայացուած են հրաւիրադրին հրատարակումէն առաջ՝ Ընդհանուր Ժողովին մասնակցելու իրաւունք ունեցող եւ դէթ յիսուն ձայնի ամբողջութիւն մը ներկայացնող առնուադն հինգ անդամներու խումբի մը կողմէ:

ԿԱԶՄԱԼՈՒԾՈՒՄ

ՅՕԴՈՒՍԾ 28

Երրորդ Ընդհանուր Ժողովը կազմալուծման որոշում տալ, պէտք է նշանակէ այն հայկական ընկերակցութիւնը կամ հաստատութիւնը որ պիտի յաջորդէ Հ. Բ. Ը. Միութեան եւ շարունակէ անոր դործերուն վարչութիւնը եւ տնօրինութիւնը, համաձայն Միութեան Կանոնադրին մէջ սահմանուած նպատակներուն, ինչպէս նաեւ համաձայն նուիրատուներուն եւ կտակարարներու կամքին՝ Նուիրատուութեանց եւ Կտակներու վերաբերմամբ:

Այն պարագային ուր կազմալուծումը որոշելու համար ի նիստ հրաւիրուած Ընդհ. Ժողովը կարելի չըլլայ օրինապէս գումարուիլ Կանոնադրով նախատեսուած պայմաններուն համաձայն, Կեդր. Վարչական Ժողովի Նախագահը, կամ անոր տեղը բռնող անձը, ի նիստ պիտի հրաւիրէ հետեւեալ անձերէն բաղկացած Յանձնախումբ մը, որ Միութեան կազմալուծումը պիտի որոշէ եւ պիտի նշանակէ Միութեան յաջորդելիք հայկական ընկերակցութիւնը կամ հաստատութիւնը:

Այդ Յանձնախումբը պիտի բաղկանայ հետեւեալ անձերէն՝

ա) Միութեան Կեդրոնական Ժողովին Նախագահը՝ կամ Փոխ-Նախագահներէն մին:

բ) եւ գ) Միութեան Ամերիկայի Միացեալ Նահանգներու Շրջանակային Յանձնաժողովէն եւ Եգիպտոսի Շրջանակային Յանձնաժողովէն կամ անոնց յաջորդած Մարմիններէն մէկ մէկ պատուիրակ:

դ) Երեւանի Գաղաքային Վարչութենէն Պատուիրակ մը:

- ե) Էջմիածնի Վեհ. Ս. Կաթողիկոսէն պատուիրակ մը:
- զ) Կիլիկիոյ Վեհ. Ս. Կաթողիկոսէն պատուիրակ մը:
- է) Կ. Պոլսի Հայոց Ամեն. Ս. Պատրիարքէն պատուիրակ մը:
- ը) Երուսաղէմի Հայոց Ամեն. Ս. Պատրիարքէն պատուիրակ մը:
- թ) Ամերիկայի Միացեալ Նահանգներու Հայ Բողոքական Եկեղեցիներէն պատուիրակ մը:
- ժ) Վենետիկի Միթրարեան Միաբանութենէն պատուիրակ մը:

Եթէ, ոեւէ պատճառաւ, վերոյիշեալ անձերէն մին, հրաւիրաւորներուն մէջ նշանակուած թուականէն առ առաւելն մէկ ամիս պայմանաժամու մէջ չի կարենայ ներկայանալ Կեդրոնական Վարչական Ժողովին կեդրոնատեղին՝ քուէարկութեան մասնակցելու համար, այդ պարագային ներկայ անդամներուն խորհրդակցութիւնը օրինաւոր պիտի նկատուի եւ անոնք պիտի կրնան, ձայներու մեծամասնութեամբ, ընտրելու Միութեան յաջորդելիք հայկական ընկերակցութիւնը եւ կամ հաստատութիւնը, կը բաւէ որ առնուազն հինգ անդամ ներկայ ըլլան:

Վերջապէս, այն պարագային ուր յիշեալ Յանձնախումբը չի կարենայ գումարուիլ ո եւ է պատճառաւ, կամ, գումարուել յետոյ, չի կարենայ որոշման մը հանգիլ, վերոյիշեալ կաղմակերպութիւններէն կամ անձերէն ո եւ է մէկը իրաւունք պիտի ունենայ Հ. Բ. Ը. Միութեան կաղմալուծման եւ անոր յաջորդելիք հայկական ընկերակցութեան, հաստատութեան կամ կաղմակերպութեան ընտրութեան հարցը ենթարկել Հ. Բ. Ը. Միութեան կեդրոնատեղին եւ զող Լօղանի Դաշնակցային Դատարանին նախագահին կողմէ, եւ այս Դատարանին չղոյութեան պարագային՝ Անգլիոյ Արքարութեան Բարձրագոյն Ատեանին կողմէ նշանակուած իրաւարարի մը իրաւարարութեանը:

Միութիւնը իր Հիմնական Դրամագլուխը եւ իր Մասնաւոր Դրամագլուխներուն մէկ մասը Թրքթի վերածած ըլլալով, եթէ վերոյիշեալ անձերէն կամ կաղմակերպութիւններէն մին իրաւարարութիւնը յառաջ չի բերէ, այն առեն Թրքթին — որ չի կրնար անդործածելի թողուլ Թրքթին եկամուտները որ որոշ նպատակներու յատկացուած են — անկ պիտի ըլլայ յառաջ բերել իրաւարարութիւնը, նշանակելու համար այն հայկական ընկերակցութիւնը կամ

հաստատութիւնը կամ կաղմակերպութիւնը, որուն պէտք է Թրքթին (Trustee) յանձնէ Թրքթին տարեկան եկամուտները:

Երկու պարագային մէջ ալ իրաւարարական վճիռը վերջնական եւ անվերաքննելի պիտի ըլլայ, եւ ծախքերն ալ Թրքթին կողմէ պիտի հոգացուին:

※

Ներկայ Կանոնագրին մէջ կատարուած փոփոխութիւնները 1924էն ապիւն փութարկուած են Միութեան Ընդհանուր Ժողովին կողմէ իր 18 Նոյեմբեր 1925, 19 Նոյեմբեր 1926, 18 Նոյեմբեր 1927, 19 Հոկտեմբեր 1928, 11 Յուլիս 1930, 16 Սեպտեմբեր 1932 եւ 22 Սեպտեմբեր 1933 քուական նիստերուն մէջ:



ՀՀ Ազգային գրադարան



NL0221757

43.043